

ՀՀ ԿԱ պետական եկամուտների կոմիտե

Հարկային և մաքսային մարմինների գանգատարկման հանձնաժողով

Ո Ր Ո Շ ՈՒ Մ 7/4

6 մայիսի 2016 թ.

Քննարկվեց «Արցուի» ՍՊԸ, Ա/Ձ Արշալույս Ապեճյանի, «Ամարաս Դանս» ՍՊԸ և Ա/Ձ Արմենուի Գազազյանի գանգատները «Շրջանառության հարկ վճարող համարվելու վերաբերյալ ծանուցագիր» Կենտրոնի ՀՏ կողմից իրենց ուղարկված (հանձնված) չլինելու վերաբերյալ:

«Արցուի» ՍՊԸ, Ա/Ձ Արշալույս Ապեճյանի, «Ամարաս Դանս» ՍՊԸ և Ա/Ձ Արմենուի Գազազյանի գանգատներում բերված փաստարկները.

«Արցուի» ՍՊԸ, Ա/Ձ Արշալույս Ապեճյանի, «Ամարաս Դանս» ՍՊԸ և Ա/Ձ Արմենուի Գազազյանի (այսուհետ նաև Գանգատաբեր անձինք) գանգատներում մասնավորապես նշված է, որ սահմանված կարգով ներկայացրել են 2016թ-ի 1-ին եռամսյակի շրջանառության հարկի հաշվարկները, սակայն համակարգը դրանք չի ընդունել: Կենտրոնի ՀՏ-ում պարզաբանել են, որ 2015թ-ին «Շրջանառության հարկ վճարող համարվելու վերաբերյալ ծանուցագիր» ստացած լինելու պայմաններում, գանգատաբեր անձինք պարտավոր էին ինքնուրույն «Շրջանառության հարկի մասին» ՀՀ օրենքով սահմանված կարգով ներկայացնել շրջանառության հարկ վճարող համարվելու վերաբերյալ հայտարարություն, ինչը, սակայն, նրանց կողմից չի ներկայացվել: Արդյունքում գանգատաբեր անձինք համարվել են ավելացված արժեքի հարկ վճարողներ:

Գանգատաբեր անձինք պնդում են, որ 2015թ-ի ընթացքում «Շրջանառության հարկ վճարող համարվելու վերաբերյալ ծանուցագիր» իրենց չի հանձնվել:

Ելնելով վերոգրյալից՝ գանգատաբեր անձինք խնդրում են 2016թ-ի հունվարի մեկից իրենց համարել շրջանառության հարկ վճարողներ:

ՀՀ ԿԱ ՊԵԿ հարկային և մաքսային մարմինների գանգատարկման հանձնաժողովի եզրակացությունը.

ՀՀ ԿԱ ՊԵԿ հարկային և մաքսային մարմինների գանգատարկման հանձնաժողովը (այսուհետ նաև Հանձնաժողով), ուսումնասիրելով սույն գործին առնչվող նյութերն ու ապացույցները եկավ հետևյալ եզրակացության:

Քննարկման ընթացքում նշվեց, որ Գանգատաբեր անձինք սահմանված կարգով ներկայացրել են 2016թ-ի 1-ին եռամսյակի շրջանառության հարկի հաշվարկները, սակայն համակարգը դրանք չի ընդունել: Կենտրոնի ՀՏ-ում իրենց պարզաբանվել է, որ 2015թ-ի ընթացքում իրենց «Շրջանառության հարկ վճարող համարվելու վերաբերյալ ծանուցագիր» հանձնված լինելու պայմաններում, գանգատաբեր անձինք պարտավոր էին ինքնուրույն «Շրջանառության հարկի մասին» ՀՀ օրենքով սահմանված կարգով ներկայացնել շրջանառության հարկ վճարող համարվելու վերաբերյալ հայտարարություն: Սակայն, նշված հայտարարությունը չներկայացվելու հետևանքով գանգատաբեր անձինք համարվել են ավելացված արժեքի հարկ վճարողներ:

Վերոգրյալի կապակցությամբ հարկ է նշել հետևյալը.

«Շրջանառության հարկի մասին» ՀՀ օրենքի 4-րդ հոդվածի 1-ին մասի համաձայն. «Հայաստանի Հանրապետությունում շրջանառության հարկ վճարող կարող են համարվել սույն հոդվածի 2-րդ մասով սահմանված պայմանները բավարարող Հայաստանի

Հանրապետության ռեզիդենտ համարվող առևտրային կազմակերպությունները, անհատ ձեռնարկատերերը և նոտարները, այդ թվում՝ նոր ստեղծված (պետական գրանցում ստացած կամ հաշվառված) հարկ վճարողները (այսուհետ՝ անձինք), բացառությամբ սույն հոդվածի 3-րդ մասում նշված դեպքերի՝

1) յուրաքանչյուր տարվա հունվարի 1-ից մինչև այդ տարվա ավարտը (բացառությամբ օրենքով նախատեսված՝ տարվա ընթացքում ԱԱՀ վճարող համարվելու դեպքի), եթե մինչև այդ տարվա փետրվարի 20-ը իրենց հաշվառման վայրի հարկային մարմին են ներկայացրել վերադաս հարկային մարմնի ղեկավարի հաստատած ձևով շրջանառության հարկ վճարող համարվելու վերաբերյալ հայտարարություն.»:

Իր հերթին, «Շրջանառության հարկի մասին ՀՀ օրենքում փոփոխությունների և լրացումներ կատարելու մասին» 21.06.2014թ. ՀՕ-128-Ն ՀՀ օրենքի 10-րդ հոդվածի համաձայն՝ շրջանառության հարկ վճարող համարվելու վերաբերյալ հայտարարություն ներկայացնելու վերջնաժամկետը կիրառվում է միայն այն դեպքում, եթե հարկային մարմինը հարկ վճարողին ծանուցել է օրենքով նման վերջնաժամկետ սահմանված լինելու մասին: Եթե հարկային մարմինը նշված ծանուցումը հարկ վճարողին ուղարկում է շրջանառության հարկ վճարող համարվելու վերաբերյալ հայտարարություն ներկայացնելու համար օրենքով սահմանված ժամկետներից հետո, ապա որպես շրջանառության հարկ վճարող համարվելու վերաբերյալ հայտարարության ներկայացման վերջնաժամկետ սահմանվում է հարկ վճարողին ծանուցումը տրամադրելու օրվան հաջորդող 7-րդ աշխատանքային օրը:

Տվյալ դեպքում Գանգատաբեր անձինք պնդում են, որ հարկային մարմինը նշված ծանուցումը՝ «Շրջանառության հարկ վճարող համարվելու վերաբերյալ ծանուցագիր» իրենց չի ուղարկել (սահմանված կարգով չի հանձնվել):

Գանգատաբեր անձանց հարկային գործերում առկա ապացույցների ուսումնասիրության արդյունքում Հանձնաժողովը եկավ եզրակացության, որ «Շրջանառության հարկ վճարող համարվելու վերաբերյալ ծանուցագիր» Գանգատաբեր անձանց չի ուղարկել (սահմանված կարգով չի հանձնվել):

Ելնելով վերոգրյալից և ղեկավարվելով «Շրջանառության հարկի մասին ՀՀ օրենքում փոփոխությունների և լրացումներ կատարելու մասին» 21.06.2014թ. ՀՕ-128-Ն ՀՀ օրենքի 10-րդ հոդվածի դրույթներով, Հանձնաժողովը գտնում է, որ շրջանառության հարկ վճարող համարվելու վերաբերյալ հայտարարություն ներկայացնելու վերջնաժամկետը Գանգատաբեր անձանց նկատմամբ տվյալ դեպքում կիրառելի չէ, քանի որ հարկային մարմինը չի ծանուցել օրենքով նման վերջնաժամկետ սահմանված լինելու մասին:

Ելնելով քննարկման արդյունքներից և ղեկավարվելով «Հարկային ծառայության մասին» ՀՀ օրենքի 43.1-րդ հոդվածի և «Մաքսային ծառայության մասին» ՀՀ օրենքի 37-րդ հոդվածի պահանջներով հանձնաժողովը

ո Ր Ո Շ Ո Ւ Մ Է՝

«Արցուի» ՍՊԸ, Ա/Ձ Արշալույս Ապեճյանի, «Ամարաս Դանս» ՍՊԸ և Ա/Ձ Արմենուիի Գազազյանի գանգատները բավարարել:

Հանձնաժողովի նախագահ՝



Վ.ՄԻՐՈՒՄՅԱՆ